

**ESKOLAKO OHARRAK****TRANSPATIOA**

Duela egun batzuk, hainbat familia auzolanean aritu ziren patioa eraldatzen. Lerro hauetatik eskerrak eman nahi dizkizuegu gure eskola hobetzen lanean aritu zineten guztioi.

**BEKAK**

Urtero bezala, zuen seme-alabentzat jantokiko eta materialerako bekak eskatzeko aukera izango duzue. Epea urriak 9tik azaroak 9ra arte irekita egongo da. Kontuan izan online egitea aholkatzen dela, dena den eskolan bertan tramitatu daitezke; honetarako Idazkaritzan hitzordua telefonoz hartzea beharrezkoa izango da.

**BEKAK
BECAS
GRANTS**

ESKOLAKO EMAIL KORPORATIBO FAMILIARRAK

Eskolako digitalizazio prozesuan aurrera goaz, horregatik eskolako familia bakoitzarentzat eskolako helbide elektronikoa sortu dugu. Zuen seme-alabek, eskolako helbide elektronikoa jasoko dute. Komunikazio kanal ofizial gisa erabiliko dugu eta eskolako informazio guztia eta irakasleekin harremana aipaturiko bide honetatik egiteko aukera izango du eskola komunitate osoak. Familia bakoitzaren helbide elektronikoa ahalik eta azkarren aktibatu eta pasahitza aldatzea eskatzen dizuegu, mesedez. Helbide elektronikoa martxan jartzeko, gmail.com orriaren bidez egin behar da.

ORDEZKARIEN ORGANO GORENA

Aurtengoan, gure eskolako Ordezkarien Organo Gorenaren zati bat berritu behar dugu. Hori dela eta, gurasoren batek parte hartu nahiko balu, eskolako Zuzendaritzara hurbil dadila eta izen eman dezala. Guk informazio hau, eskolako Guraso Elkarteari jakinaraziko genioke. Bestela, elizaldekogurasoelkarte@gmail.com helbide elektronikora ere idatzi dezakezue, eta izen eman. Eskerrik asko zuen parte hartzeagatik.

COVID 19

Lerro hauetatik gogorarazi nahi dizuegu, Hezkuntza Sailak urriak 2an publiko egin zuen dokumentuan zer jasotzen den: “ez dute ikastetxera joan behar COVID-19rekin bateragarriak diren sintomak dituzten pertsonak, ikasle, irakasle zein bestelako langileak izan, ez eta COVID-19ren diagnostikoa jaso ondoren isolatuta daudenek edo etxeko berrogeialdian daudenek ere, COVID-19rekin bateragarriak diren sintomak dituen pertsona batekin harreman estua izateagatik.” Denon artean eskola babes dezagun.

Bestalde, gogorarazi nahi dizuegu, eguerdian etxean bazkaltzen duten ikasleentzat, eskola eremuko arratsaldeetako sarrera, ahal den neurrian 14:40etan izan behar duela, egoera ahalik eta ongien eutsi eta kudeatu ahal izateko.

Jakinarazi nahi dugu, konfinatzen diren Lehen Hezkuntzako ikasleek, aukera izango dutela, beharra izanez gero, eskolako ordenagailu bat eramateko. Honetarako, Zuzendaritzarekin harremanetan jarri eta bertan jasota geratuko den orria bete beharko da.

Azkenik, beste herri batetik, inork (aita, ama, aiton, amona, zaintzaile,...) gure eskolara etortzeko baimena beharko balu, eskolako Zuzendaritzan eska dezala. Orri hau egoki betetzeko, izen, abizen eta NAN zenbakia beharrezkoak dira.

ESKOLA ORDUZ KANPOKOAK

Momentu hauetan, COVID19a dela eta eskola orduz kanpoko ekintzak (judo, euskal dantza, eskola kirola,...) ez dira egiten. Eskola komunitatearen asmoa, ekintza hauek berriz martxan jartzea da, Guraso Elkarteak honela erabaki eta egoerak hala ahalbideratzen duenean. Sentitzen ditugu eragozpenak.

**KIROLA
GOZATU
BIZI**



ABARAXKA LUDOTEKA

Datorren urriak 31ean, Abaraxka Ludotekan Gau Beltza ospatuko dute. COVID19ak sortzen duen egoera berezia dela eta, ostegun eta ostiralean, arratsaldeko 16:30etatik 19:00etara, ludotekan bertan, sarrerek hartu beharko dira, plaza mugatuak izango baitira.

